

廣文書局印行

史料
五編
甘寧青史略
(六)

慕壽祺輯著

趙元貞校
李炳

史料
五編

甘寧青史略
(六)

廣文書局印行

甘肅青史略正編卷十八

清世宗

癸卯

雍正元年秋青海羅卜藏丹津叛命川陝總督年羹堯四川提督岳

鍾琪討之

羅卜藏丹津者和碩特顧實汗之孫也初青海乃喀木藏衛舊稱唐古特四

孫游牧青海而喀木納其賦惟以藏衛二部給達賴班禪順治十三年顧實汗卒其裔分
二支在藏者爲拉藏汗在青海及河套者爲鄂齊圖汗爲阿拉善王尋鄂齊圖汗爲噶爾
丹所破阿拉善王來投聖祖賜以賀蘭山游牧地青海汗遂絕及聖祖出塞青海顧實汗
子孫八臺吉親入覲時顧實汗惟達什巴圖尙存賜爵親王餘授貝子貝勒公爵又預平
西藏功於是八家復振噶爾丹及策妄兩世覲親青海皆震懼中國軍威不敢輕犯休養
百年捍蔽西陲雖藏中和碩特末年爲策妄所覆而青海之和碩特部如故也至是達什
巴圖之子羅卜藏丹津襲親王爵從大軍入藏歸以青海及唐古特舊皆和碩部屬而已
爲顧實汗嫡孫陰覬復先人霸業總長諸部乃於是年夏誘諸部盟於察罕托羅海令各
仍故號不得復稱王貝勒公等爵而自號達賴渾臺吉以統之欲脅諸臺吉奉已如鄂齊
爾汗據唐古特以遙制青海親王察罕丹津郡王額爾德尼等不從遂受羅卜藏丹津之
兵矣

案清初有厄魯忒固始汗者青海沿邊直抵西藏皆爲其所有其餘喀爾喀圖爾古忒準
噶爾灰忒俱係流居青海共蒙古五種後支派漸分總名十八家其白塔貴德郭密拉利

及玉樹納克書遠近各番俱屬青海分轄歲納添巴居維諸羌密邇甘涼康熙四十一年命刺麻商南多爾智招撫內附封固始汗子孫羅卜藏丹津爲親王其餘亦授以貝勒貝子公台吉等職卽以刺麻商南多爾智住甯撫理夷情後郎中二郎保員外郎馬爾漢侍郎常壽相繼辦理至雍正元年羅卜藏丹津以青海蒙古有拂其意者輒自征伐侍郎常壽奉命解和而羅卜藏丹津違背與同黨阿拉克諾木齊阿爾布坦溫布藏巴扎布等益肆猖狂是年九月帝命川陝總督年羹堯至西甯以觀形勢十月羅卜藏丹津迫脅各蒙古暨內外諸番侵犯西甯南北西三川焚虜村堡是時各族番人大寺刺麻亦有蠢動者

八月察罕丹津內奔至河州

時親王載青和碩齊察罕丹津領兵與羅卜藏丹津相持勢難抵敵率妻子屬人一百四十餘名來至河州老鴉關

外侍郎常壽卽令進邊居住其餘人衆令伊塞桑管束邊外防守要隘

九月命年羹堯備兵擒勦羅卜藏丹津

羅卜藏丹津攻察罕丹津已渡黃河帝命羹堯備兵擒勦

案東華錄雍正元年青海蒙古親王羅卜藏丹津貝勒益蘇克汪扎爾等率兵四千侵郡王額爾德尼厄爾克托克托奈敗之掠其牛馬餘衆逃散郡王等率妻子至甘州求救於撫遠大將軍延信信令暫住蘇油口以待朝命尋其姪噶爾丹達錫亦來歸秋七月上令紮西甯青海侍郎常綬亦作壽與年羹堯商酌和解之如藉此犯邊不可不懲治七月二十二日又遣侍郎常壽抵羅卜藏丹津駐牧之沙拉圖宣旨令伊等兄弟罷兵和睦羅卜藏丹津備言戴青和碩齊察罕丹津額爾得尼厄爾克托克托奈遇害惡仍欲渡河與決

勝負是時羅卜藏丹津有衆一萬二三千人其意欲先滅額爾得尼厄爾克托克托奈再滅察罕丹津獨占青海又遣使準噶爾欲與之連兵入寇帝見其反形已露令川陝總督備兵擒勦九月二十日川陝總督年羹堯自甘州起程十月初至西甯

冬十月以川陝總督年羹堯爲撫遠大將軍四川提督岳鍾琪參贊軍務

初青海有

大喇嘛曰察罕諸們汗自西藏分支住持塔爾寺爲黃教之宗番夷信響丹津以術誘煽使從已大喇嘛既從於是遠近風靡游牧番人喇嘛等二十餘萬同時騷動犯西甯掠牛馬抗官兵至是年羹堯自甘州移駐西甯相機行事因授爲撫遠大將軍改貝勒延信爲平逆將軍羹堯因奏前鋒統領蘇丹經事頗多岳鍾琪總統綠旗土司兵丁請授爲參贊大臣

羅卜藏丹津執侍郎常壽於堪布廟筆帖式多爾濟死之

先是駐西甯辦事侍郎常壽往諭羅卜藏丹津

至巴顏布拉克羅卜藏丹津云我等往察罕托羅海會盟再議行至和爾地方忽有賊二三千突至執常壽並劫去輜重筆帖式多爾濟憤賊陵辱自刎而死常壽被禁堪布廟中賊犯鎮海倅先是羅卜藏丹津聚集各臺吉肆行邊外大將軍年羹堯令又木多總兵官周瑛率兵截其赴藏之路令靖逆將軍富甯安調吐魯番駐防副將軍阿喇納領滿洲蒙古綠旗兵往布隆吉爾未幾賊犯鎮海堡都統武格率兵援救時厄魯特兵二千番賊千餘圍堡賊陸續添兵日夜轉戰參將宋可進往援賊敗走殺厄魯特兵六千

餘人並擒獲叛歸羅卜藏丹
津之多巴囊素阿旺丹津

羅卜藏丹津攻西甯南川口尋圍申中堡守備馬有仁參將宋可進等擊敗之

賊攻南川口官兵據申中堡賊遂圍之堡內囊素潛與賊通欲鑿牆而入守備
馬有仁等奮力抵禦參將宋可進等率兵往援內外夾攻賊敗遁遂滅囊素

十一月賊犯北川新城

賊二千餘侵北川新城游擊馬成輔擊之殺傷甚衆副
將王嵩參將宋可進等率兵往援破賊六營賊敗走

大將軍年羹堯遣涼州總兵楊盡信率兵擊莊浪番

謝爾蘇厄爾布兩族助逆據
莊浪番子山茨爾溝年羹堯

調兵四千令涼州總兵楊盡信率之四面夾攻斬首數百級俘獲其妻
子生擒厄爾布賊首魯木受等二人謝爾蘇厄爾坎柱等六人斬之

大將軍年羹堯遣兵收復西甯北川

西甯北上北塔下北塔地數百里皆爲蒙古回
子佔據丁衆糧裕素懷異志羹堯令千總馬忠

孝招撫下北塔三十六莊回目忠孝又率兵千人往勦上
北塔擒頭目阿布多吳圍厄爾克喀等斬之餘回就撫

移察罕丹津於蘭州

年羹堯以察罕丹津在河州居住羅卜藏丹津欲行劫擄乃移察
罕丹津妻子屬人於蘭州時羹堯分遣諸將攻申中歸德各堡潰

其黨羽羅卜藏丹津始
懼願歸常壽請罪不許

番賊犯新城張義等堡涼州戒嚴

永昌在涼州之西有新城高古水泉等堡地理相望而新城尤爲扼要其地在永昌縣西南七十里海夷

由北大通出扁都口侵犯涼州新城足以堵禦明於此築城派兵戍守蓋防邊要地也羅卜藏丹津之叛糾諸海夷犯西甯至是復嗾使西番犯新城意在佔據涼州也永昌協劉紹棠坐視不救新城陷同日夷犯張義堡該堡在武威縣東南一百二十里向設防汛時涼州鎮王尙信率兵過其地黃渠百姓遮道求速援尙信赴堡夜遁還番乃猖獗民攜妻子竄涼州甘州道蔣泗下令戒嚴以兵力單採用武舉朱承愷議團練鄉勇規進剿不月團練成往赴棹子山明年大將軍羹堯灃平青海破虜數萬人番被鄉勇數戰敗鎮守曾文受徑入張義堡山西天池爲策應番更腹背被兵多殺傷渠魁沙馬藍占叭送請軍營置諸法番衆帖服編隸於民自此始紹宗擬斬尙信亦擬流死於戍所

大將軍年羹堯條奏進剿青海事宜

一預備進剿兵丁請將陝西督標西安固原甯夏四川甘肅大同榆林土默特鄂爾多斯巴爾

庫爾吐魯番等處兵丁共揀選一萬九千名令提督岳鍾琪等分領從西甯松潘甘州布隆吉爾四路進剿一防守邊口土司兵二千及西安滿兵五百名而留守西甯各邊口陝西撫標兵五百名防守永昌西安滿兵五百名防守甘州其布隆吉爾舊有兵一千名仍留駐防至副將張成龍見領兵五百防守巴塘其裏塘止駐兵二百請將四川撫標兵三百增添防守再令署松潘鎮副將張英副都統黑色領兵一千五百名出松潘口在黃勝關駐紮雲南提督郝玉麟領兵二千名駐紮又木多則羅卜藏丹津等斷不敢前往巴爾喀木等處一購買馬駝臣在陝西買馬一千匹甚不敷用請令在歸化城張家口採買或將太僕寺上都打布孫腦兒孳生馬匹解送三千匹巴爾庫爾挑送駝二千匹再於甘涼

肅州等處採買一千五百則兵丁進剿之時可無貽誤一貯備軍糧臣在西安慮青海有事已豫買米六萬石將來自不至有誤一精練火器請將景山製造之火藥每駝以一百八十斤計算賞給一百駝於明年正月內解送西甯

十二月蒙古貝勒貝子公臺吉各殺賊來歸降其脅從部落十餘萬

察罕丹津屬下厄爾

克札爾固齊阿爾塔爾和碩齊拉布木貝勒色布騰札爾察罕丹津之壻喇卜坦寨桑巴圖墨爾根戴青拉查卜之子察罕喇卜坦旺舒克喇卜坦等率衆來歸降

賊犯布隆吉爾參將孫繼宗游擊孫節超與副將潘之善擊之賊大敗

賊侵布隆吉爾

孫繼宗孫節超率兵進剿遇賊三千餘副將潘之善引兵繼之併力奮擊殺賊甚衆獲器械無算

提督岳鍾琪勦郭密番賊

時西甯一帶番賊俱勦滅惟南山口外郭密九部肆行截搶乃廣行招撫沙克都爾阿拉卜坦率三部來降其餘部落仍

恣肆而呈庫浩爾買二部暴戾尤甚大將軍年羹堯以鍾琪所部瓦斯維谷兵熟悉山路令在歸德堡將上寺東策布下寺東策布之助惡賊番勦撫兼施移師至郭密番搜捕賊穴呈庫一部攻殺殆盡浩爾買等部首惡俱擒誅之盡降其餘衆

任莊廷偉爲甘山巡道

時青海羅下藏丹津跳梁其黨寇涼州逼永昌陷新城殺守將時鎮兵出征者未返而留者又往救新城廷偉乃練民兵俾城

仁人之言其利
博哉若僅作邊
方氣候者則不
晴作之一番
苦心

此係甲辰年春
正月十一日事

守紳士商民舉令登陣每門置土囊備墜門嚴稽出入凡草車探以矛女子
覆面發而視之乃得入鄉堡各聯結聚礮石互守望有備無患人賴保全

案甘州府志云甘山巡道莊廷偉以衛輝府陞任來甘寄弟西安知府祖詒書云邊隅
風土與中州迥殊四月維夏樹頭始得見青梧桐一葉落滿林憔悴矣風嚴霜凜不待驚
發已然大約秋涼冬冷之氣多余只概以春溫煦之姚端恪公詩常覺胸中生意滿須知
世上苦人多吾身一小天地陽春有腳詎不在腔子裏耶此間沍寒天生一種氈毛羊皮
大者毛最長二毛三毛以次第別男女大小一領披身便可卒歲產最繁價
最儉吁死羊皮尚可煖於人生人之情奚可冷於世慎勿以人而不如羊也

甲辰 一年春正月副將孫繼宗領兵在布隆吉爾等處同游擊潘之善大敗青海

逆賊

西甯東北之郭隆寺喇嘛反

先是章嘉呼圖克圖之胡必爾汗原住西甯東北之郭隆寺屬下喇嘛甚多素與青海蒙古親王羅卜藏丹津阿爾

布坦溫布和好至是年正月郭隆寺衆喇嘛忽聚兵操演總督年羹堯聞而禁止寺內喇
嘛傳令東山一帶番人約於是月十一日齊集拒戰羹堯見反形已露亟宜勦滅隨遣提
督岳鍾琪會同前鋒統領蘇丹副都統覺羅伊禮布等統兵進勦尚未至郭隆寺而賊衆
已於十二日駐營哈拉直溝迎敵我軍直前奮擊斬殺數千據其三嶺毀其十寨副將宋
可進總兵官吳正安黃喜林等各斬獲遂沿途毀其七寨焚其房屋七十餘所次日抵
郭隆寺外山谷間伏賊千餘人皆逃入洞內我兵施放槍礮復聚薪縱火賊俱薰死計前

甘肅通志卷八

經營青海紀剛嚴肅

清世宗

蘭州俊華印書館出版

後殺傷賊衆共六千餘名隨毀郭隆寺並查究章嘉呼圖克圖之胡必爾汗消
息衆喇嘛已預先往大通河西維隆地方年羹堯即將達克瑪呼圖克圖正法
案章嘉呼圖克圖名旺曲丹爲第五世達賴喇嘛高足弟子康熙時蒙朝命住內蒙多
倫諾爾之彙宗寺第二世章嘉胡圖克圖名繞爲多爾吉生於西甯縣北鄉廓隆廣福二
寺爲住錫所博通宗乘世宗大褒異之命住多倫諾爾善因寺第三世丹輩尖參通教乘
命訂四體大藏全咒助莊親王修同文韻統溝通華夷厥功綦偉賜灌頂普善廣慈大國
師印餘見
清涼山志

案西甯大通縣城東七十里舊有郭莽寺西甯縣東北一百三十里又有格隆寺地處通
衢爲黃教徒所居西藏進口之喇嘛皆於茲托足卽佛家所謂十方院也自羅卜藏丹津
叛寺僧與相連接扇動部落遂使修行之區轉爲藏奸之藪雍正二年大
軍進討年羹堯除其衆而焚其寺活佛死者凡七人其墓皆在塔兒寺

慕壽祺曰怨毒之於人甚矣哉自雍正迄今二百餘年矣而塔兒寺每歲上元節寺僧跳
禪皆帶鬼面具擒獲魔鬼而抽其腸飲其血焚其屍骸與漢人之燒秦檜相似所謂魔鬼
者卽大將軍年羹堯也番僧以其
殺活佛也而恨入骨髓吁可畏哉

二月青海貝勒羅卜藏察罕之母率領妻子及貝勒策凌敦多卜之姊投至西

甯

隨酌給茶葉大麥等項仍令往口外駐紮年羹堯以羅卜藏丹津欲威脅懦弱以益
兵力衆人尙在游移若不乘機派兵前往則來投之人勢難保全因令提督岳鍾琪

總兵官吳正安黃喜林侍衛達肅副將王嵩宋可進紀成斌等領兵六千名分二路進剿前鋒統領蘇丹留於西甯軍營辦事

初八日岳鍾琪領兵出口

鍾琪聞巴爾珠爾阿拉坦在烏蘭博爾克地方即分兵三路進剿及至其地賊人已逃遁遂令總兵官吳正安率兵由

北路總兵官黃喜林副將宋可進率兵由中路岳鍾琪侍衛達肅率兵由南路往追賊人副將王嵩紀成斌等各率兵出山岳鍾琪追至伊克哈爾吉地方阿爾布坦溫布逃入哈爾吉山中官兵進山遂擒獲阿爾布坦溫布黃喜林擒獲巴爾珠爾阿喇布坦並其叔伊克喇布坦即攜擒獲之阿喇布坦等三賊進剿羅卜藏丹津並收撫逃散部落初鍾琪由布爾哈屯直抵賊巢額母訥布隆吉地方分兵一千往北路柴日木豫截賊衆逃往噶斯要路鍾琪率兵走南路尾追二十日探知賊衆逃往烏蘭穆和兒地方及至其地賊衆復逃往柴日木地方又分兵一千追逐大軍隨後沿途進擊

十四日岳鍾琪領兵至席爾哈羅色地方

官軍偵知吹拉克諾木齊在天城察汗哈達居住因即派兵前往擒獲男婦牲畜甚

多吹拉克諾木齊於十四日帶三百餘人乘夜遁往噶斯地方其屬下都喇爾寨桑及扎錫敦多布之母帶領屬下人口駝馬逃遁被臺吉益蘇克汪扎爾等擒獲投獻

石門寺喇嘛反

石門寺喇嘛渾囊蘇山丹等所屬羅布藏馬賈等部落從前伴稱歸順潛與謝爾蘇厄爾二部落逃散人等倚石門爲巢穴肆行劫掠年羹堯令涼

莊道蔣泗率領綠旗土司民兵分爲五路進發至石門寺奮勇齊擊殺死喇嘛番賊六百餘人寺中得盛甲五十餘副刀鎗撒袋等物甚多因即將寺毀焚收兵而還

焚克賴納木扎爾等率伊子策凌敦多卜及屬下一千餘戶投年羹堯

令住伊克

烏蘭和邵等處

三月將軍岳鍾琪追勦羅卜藏丹津直抵賊巢獲其母以歸青海悉平

鍾琪率大軍追

勦羅卜藏丹津由布爾哈屯直抵賊巢額母諾布隆吉地方分兵赴北路柴旦木豫截賊衆逃往噶斯要路由南路尾追至烏蘭木和兒賊復逃柴旦木遂選輕騎一千追逐大軍繼進沿途追擊獲羅卜藏丹津之母及其妹夫克勒克濟農藏巴吉查等至柴旦木羅卜藏丹津率二百餘人逃匿分兵追至烏蘭白克又獲吹拉克諾木齊扎錫敦多卜並男女駝馬無算助亂之八臺吉等亦並就擒青海悉平

慕壽祺曰羅卜藏丹津迫脅青海各蒙古與其同黨侵犯西甯南北西三川當是時大寺喇嘛諸番部落亦有蠢動者年羹堯奉命西征不半年而奏凱旋旅其成功何如此其神速哉蓋由萬衆一心不畏艱險其氣盛其令行也今日者國亂民窮人人以經營青海爲急務而內地軍界長官終未聞一踐其地得非畏難而氣阻耶使羹堯生於今日舉動迴山海鞭笞役鬼神尙何地之不開耶

侍衛達爾與副將紀成斌等搜尋羅卜藏丹津屬人

探得夾木燦堪布喇嘛在布袋山後藏匿恐由西藏一路逃遁

遣人往調臺吉濟木巴等派蒙古兵往西藏邀截即率兵前進至梭羅木地方夾木燄堪布等拒戰敗遁我兵隨後勦殺濟木巴台吉等鈔路迎賊將夾木燄堪布垂扎木素二人斬擒

夏四月年羹堯平河州口外鐵布等寨番夷

該番係西海所屬劫掠道路恣意妄行羹堯派署河州副將岳起龍等帶兵進

勦攻取四十一寨勦服三十七寨殺傷番賊二千一百餘名擒獲人口牲畜無算

案鐵布即疊州二字之轉音周建德六年始置疊州隋大業中州廢屬洮州廢治合川縣東南至扶州三百四十里西至吐蕃界九十里其地風景融和產稻多果木與松茂相隣領合川樂川疊川三縣又置安伏和同二縣處黨項尋省疊樂二縣後陷吐蕃州縣俱廢

官兵搜勦餘匪

莊浪之謝爾蘇部落番人首倡爲惡擅據卓子山葦子山又涼州南崇寺

寺逃出之喇嘛煽惑西甯之納朱公寺朝天堂加爾多寺番人與莊浪番賊串通並不歸順年羹堯岳鍾琪及在西甯大臣等商議派兵分十一路於四月十五日由西甯進發納朱公寺喇嘛番人俱經投順即於朝天堂添小章嘉胡土克圖居住至加爾多等番人派副將紀成斌張玉總兵黃喜林等分兵四路直抵賊穴殺賊數百其餘死在溝河者甚多寺亦焚燬游擊馬忠孝王大勛等殺賊於和石溝游擊王序吉范世雄敗賊於石門口涼莊道蔣泗熾賊於喜達堡而前鋒統領蘇丹率兵至旁伯拉夏口番人假稱來投察其情

形可疑令人偵探則賊衆伏匿放鎗遂率官兵直抵賊穴殺賊其衆又涼莊道蔣泗搜勦蕃子山破賊於巴洞溝土司魯華齡殺賊於天王溝前後搜勦殆盡其爲首謝爾蘇之番賊阿旺策凌被先密寺喇嘛擒獲送岳鍾琪又領兵至額羌探得賊人俱在木茂山即派員率兵截阻殺賊其衆其賊人棄妻子逃去隨留總兵官宋可進涼莊道蔣泗統兵五千名暫住防守又守備馬光在寬溝地方殺賊二十餘人衆俱逃散先密寺番人順逆無常且與蕃子山賊穴相連恐後日復聚生事因令伊等喇嘛番衆俱移於加爾多寺之外居住其先密寺即行焚毀是役也奮戰於山險林密之處凡五十餘日盡行勦滅

案莊浪漢金枝郡枝陽縣地晉建興中前涼分置廣武郡又置永登縣屬焉後魏置廣武縣爲郡治後周因之隋開皇初郡廢爲廣武縣大業初改爲允吾屬武威郡唐武德三年復爲廣武屬蘭州後陷於吐蕃宋爲西夏所據元屬永昌路明洪武十年置莊浪衛後廢爲莊浪守禦千戶所永樂元年復爲莊浪衛屬陝西行都司清康熙二年復降爲所雍正三年改莊浪所爲平番縣

民國十七年改爲永登

又案莊浪東連甯夏西接西海南達金城東北距古浪廣七百六十里長四百七十五里被山帶河河西之肘腋也五邊考云莊浪衛東一百二十里有大小二松山東扼黃河南綴蘭靖北阻賀蘭延袤千餘里號爲沃壤隆萬間番酋實免盤踞其中時肆侵掠內地削棄僅存一線萬歷二十六年撫臣田樂克復其地建堡築城屯戍相望乃割蘆塘等處屬固原紅水河三眼井等處屬臨洮阿壩壩大靖城土門兒等處屬甘肅自靖遠衛界黃河索橋起至土門山共長四百里而蘭靖莊浪千四百里之衝邊始安第蘆塘三眼井等處土

曠易圯時費修葺若按初年舊址自鎮番直接甯夏中衛通樹長邊則外鑰尤壯矣

案鍾羌堡即鎮羌驛在今永登縣西北一百二十里城周二里險要隘口二自堡迤東南至火石溝團莊墩界墩六座迤西北至烏稍嶺界墩八座西境有中下上三路明時俱爲海夷內竄之處中路自三角城駝山寺乾柴窰至黨朵兒至該堡二百三里下路從駝山寺至討來川嶺大尤麻川牛心山泉子嶺至該堡二百一十里上路東北從駝山寺黑茨溝東北上小尤麻兒八十里至該堡又一路自西古城至大小濫泥溝西關門至該堡

岳鍾琪討石堡城番賊克之

石堡城南臨大通河北倚卓子山四面峭壁惟羊腸一徑可通其東沒毛山周四百里土番數萬乘青海有亂劫饒

戕官年羹堯屢勦之東閃西匿旋撫旋叛至是岳鍾琪以兵二萬討之賊狡故智盡徙老弱輜重於東山留驍勁備出沒鍾琪分兵二路以其半據西山之隘聲期進擣以萬人襲東山擒斬大半留兵據守急勒兵回攻西山賊萃石堡城乃夜遣死士令降番鄉導援薩躋壁潛出其背擒斬賊五千餘賊蹙乞降

五月甲辰詔加陝甘武舉中額

上諭兵部曰陝西地屬雍涼人材壯健強勇者多騎射嫻熟勝於他省每科鄉試取中不過三十名而入學額

數亦與他省不相上下額少人多不無屈抑自雍正四年鄉試爲始西安甘肅武舉各加中十名其武童入學額數若通省俱加恐有冒濫照文童改學例令督撫會同學臣查明技勇最優之州縣酌量數目奏請加額

六月岳鍾琪進勦碁子山卓子山番賊平之

碁子卓子等山林木叢茂爲謝爾蘇屬下番賊潛匿之所鍾琪帥兵進勦殺傷

賊目班第馬牙餘皆敗奔山內隨派署總兵宋可進跟蹤追擊番目噶住帶領男婦老少一千一百六十二口來投誠許之年羹堯查看卓子等山形勢惟他拉渡川東通莊浪西通刀林匪類往來必由之路奏設游擊一員及千把等職從之

案連城魯土司家譜康熙五十八年西藏達哇藍占巴叛岳鍾琪帥兵進征知土司魯華齡可用檄爲先導兼護糧餉三巴橋者進藏第一險也番酋守之勢不得過華齡部下土軍皆能番語飛馳至落籠宗擒殺數人賊遁去大兵以次而進八月西藏平以功賞參將銜六十年郭密番賊爲羅卜藏丹津煽誘肆行劫掠華齡率步卒數百人駐防日月山兼護糧餉賊不得逞雍正元年羅卜藏丹津寇西甯莊浪東西兩山番族寫爾素沙馬藍占巴等一時並起大將年羹堯檄岳鍾琪征青海而莊浪逆番命華齡勦撫之華齡設伏中途擒賊首哈米善等六人乘勢進攻碁子山軍聲大振賊敗遁入駝那溝鐵包城圍攻五晝夜不下華齡暗命健卒數十人編木筏渡大通河腦繞賊後而躬督大隊迎戰戰方鏖城中礮聲響塵焰漲天前後夾攻賊大敗擒殺無算勦捕阿落等番族東山平其西山賊番聞風奪氣遂移兵征之破石門寺直搗其巢擒首逆餘黨遁逃二年華齡知番黨乘春擄掠提兵駐大營灣農人恃以無虞四月岳鍾琪以平青海兵搜捕兩山餘孽華齡發部卒一千人遣千總某領五百人由新站入自率五百人由牌樓溝入斬賊五千餘名生擒百餘名奪獲牛馬器械無算乃改莊浪衛爲平番縣而奏寫爾素番八族世給魯氏爲民先是羅卜藏丹津衣番婦衣逃入噶爾順七月華齡率二百人從岳鍾琪追至花海子望

見紅柳蔽天沙瀾如水不能前進乃班師

秋八月歸德堡等處番人內附

歸德堡即今之貴德縣也向歸青海蒙古管轄至是請求內附

案貴德舊吐蕃地元至元間置貴德州築城後廢明洪武七年河州左衛指揮築土城設千戶所清初改隸臨洮府乾隆二十六年改貴德廳隸西甯城周三里八分高三丈五尺基寬二丈八尺頂寬一丈二尺南北二門城樓一邏鋪三十二壕深一丈五尺闊三丈二尺有東西南三關
慕壽棋曰歸德通松潘茂州頭頭是道處處皆各今既就我範圍並勦平拉扁上下二寨回匪甘肅從此太平矣大將軍年羹堯又乘川軍回汛之便並將歸德至松潘口外一帶番部或勦或撫悉無梗化蜀隴交通從此恢復行旅稱便焉

九月額駙阿寶駐防青海

時青海既平厄魯特郡王阿寶請於青海等處賜間曠之地居住管理青海人等不致復萌亂心上令於貝子丹忠所居

之地馳牧並令年羹堯派員齎餉助其移徙安插

冬十月副都統達爾追羅卜藏丹津至花海子獲丹津渾臺吉

達爾阿爾什與總兵黃喜林王嵩孫

繼宗蘇圖等統領大將追羅卜藏丹津至花海子獲丹津渾臺吉及其妻子並招撫三十三家臺吉